



REPUBLIKA E SHQIPËRISË

MINISTRIA E ARSIMIT DHE SPORTIT
AGJENCIA KOMBËTARE E KËRKIMIT SHKENCOR DHE
INOVACIONIT DREJTORIA E PROGRAMEVE KOMBËTARE

**THIRRJE PËR APLIKIM PËR PROJEKTET KOMBËTARE TË KËRKIMIT
DHE TËZHVILLIMIT (PKKZH) PËR VITIN 2023**

Në zbatim të Ligjit Nr. 80, datë 22.07.2015 “Për arsimin e lartë dhe kërkimin shkencor në institucionet e arsimit të lartë në Republikën e Shqipërisë” dhe të Vendimit Nr.607, datë 31.08.2016 të Këshillit të Ministrave “Për krijimin, përbërjen, organizimin dhe funksionimin e Agjencisë Kombëtare të Kërkimit Shkencor dhe Inovacionit (AKKSHI)”, AKKSHI shpall thirrjen për aplikim për Projektet Kombëtare të Kërkimit dhe të Zhvillimit për vitin 2023 në fushat prioritare si më poshtë:

- Biodiversiteti dhe Mjedisi
- Bujqësia, Ushqimi dhe Bioteknologjia
- Shëndetësia dhe shkencat mjeksore
- Sistemet dhe Teknologjitë e Informacionit
- Shkencat Sociale dhe Albanologjike
- Uji dhe Energjia

I. Institucionet që kanë të drejtë të aplikojnë

Në kuadër të programeve kombëtare, kanë të drejtë të aplikojnë për financim të projekteve të kërkim zhvillimit (PKKZH), Institucionet e Arsimit të Lartë të përcaktuara si të tilla në Ligjin Nr. 80, datë 22.07.2015 “Për arsimin e lartë dhe kërkimin shkencor në institucionet e arsimit të lartë në Republikën e Shqipërisë” Neni 4, pika 4, si dhe institucionet publike e jopublike, që kanë për objekt të veprimtarisë së tyre kërkimin shkencor në 6 fushat si më sipër.

II. Buxheti dhe kohëzgjatja e projektit

Kohëzgjatja PKKZH është deri në **12 muaj**.

Vlera maksimale e projektit është deri në **3.000.000 lekë**.

Grantet e alokuara në këtë thirrje mund të mbulojnë shpenzimet që kanë të bëjnë vetëm me aktivitetin e kërkimit shkencor sipas planit të aktiviteteve të parashikuara në projekt:

- Shpenzime të personelit (kërkuesëve shkencorë dhe personel ndihmës në procesin e kërkimit);
- Shpenzime për udhëtime, dieta dhe akomodim të personelit të projektit (pjesëmarrës në ekspedita, punë në terren, brenda vendit) të lidhura me procesin e kërkimit;
- Shpenzime administrative (printime, blerje të materialeve që i shërbejnë aktivitetit të kërkimit; si reagentë, kite, materiale të tjera të lidhura me aktivitetin e kërkimit);
- Organizimin e konferencave, workshopeve seminareve;

- Publikime në revista shkencore brenda dhe jashtë vendit që kanë të bëjnë me aktivitetet e kërkim zhvillimit dhe që janë parashikuar në aktivitetet e projektit.

III. Kriteria të përgjithshme për aplikim

1. Projekt propozimi duhet të vijë nga një Institucion i Arsimit të Lartë ose Institucion tjetër sipas përcaktimeve të mësipërme, në përputhje me fushat prioritare dhe sipas kërkesave të udhëzuesit përkatës të PKKZH (<http://nasri.gov.al/drejtoria-e-programeve-kombetare-2/>);
2. Projekt – propozimi duhet të përmbajë vetëm veprimtari që lidhen me procesin e kërkimit shkencor, duke përfshirë blerjen e pajisjeve, dhe mjeteve laboratorike që klasifikohen në shpenzime kapitale.
3. Do të kenë përparësi:
 - Projekt propozimet që kanë lidhje direkte me prioritetet strategjike sektoriale të miratuara nga Qeveria Shqiptare sipas fushave të mësipërme;
 - Projekt propozime të kërkimit shkencor që vijnë si bashkepunim i IAL-ve ose institucioneve të tjera kërkimore me institucionet publike qendrore dhe vendore për zgjidhjen e problematikave në sektoret strategjik;
 - Projekt propozimet që mbështesin kërkimin shkencor në fushat prioritare duke përfshirë në këtë proces kandidatë për studime të doktoratës;
4. Projekt propozimet të cilat, adresojnë prioritetet strategjike kombëtare¹, të Bashkimit Europian² si dhe të Zonës Europiane të Kërkimit (European Research Area (ERA))³.

IV. Dokumentacioni i kërkuar për aplikim

1. Aplikantët duhet të dorëzojnë:
 - a. Projekt propozimin të hartuar dhe paraqitur **vetëm** sipas formularit standard të aplikimit për PKKZH – të (Aneksi 1, 2 i udhëzuesit <http://nasri.gov.al/drejtoria-e-programeve-kombetare-2/>)
 - b. Projekt propozimi dhe dokumentacioni i kërkuar sipas udhëzimit duhet të dorëzohen në 2 kopje të shtypura dhe 1 kopje në CD (dokumentat që janë të firmosura e të vulosura duhen të skanuara. Forma e aplikimit dhe forma financiare të jenë edhe në word të editueshme), të shoqëruar me një shkresë përcjellëse të institucionit aplikues e firmosur nga titullari i institucionit;
 - c. CV në Shqip e drejtuesit të projektit, i cili duhet të ketë të paktën gradën “Doktor” në fushën përkatëse shoqëruar me kopje të diplomës së gradës shkencore apo titullit akademik;

¹ Strategjia Kombëtare për Kërkimin Shkencor, Teknologjinë dhe Inovacionin 2017 – 2022.

² Communication from the Commission to the European Parliament, the Council, the European Economic and Social Committee and the committee of the regions of the Union of Equality: “Gender Equality Strategy 2020-2025”;

³https://ec.europa.eu/info/research-and-innovation/strategy/strategy-2020-2024/democracy-and-rights/gender-equality-research-and-innovation_en#gender-equality-in-the-european-research-area-era

- d. Vendimin e akreditimit të institucionit;
 - e. Marrëveshje bashkëpunimi ndërmjet IAL-ve ose IAL-ve dhe institucioneve të tjera në rast se projekti vjen si bashkëpunim ndërmjet tyre.
2. Në rast të aplikimit të IAL-ve ose institucioneve jo-publike kërkohet:
- a. Vërtetim nga zyra e tatim taksave, që vërteton që institucioni nuk ka detyrime të prapambetura tatimore dhe të sigurimeve shoqërore;
 - b. Kopje të statutit apo ekstraktit të QKR ku të përcaktohet që aplikuesi ka në fokus të veprimtarisë së tij kërkimin shkencor në fushën e aplikimit;
 - c. Evidenca të veprimtarisë së mëparshme kërkimore – shkencore apo pjesëmarrjes në projekte kërkimore - zhvillimore.

Në të gjitha rastet kur projekt – propozimet përbëjnë risi apo inovacion në fushën përkatëse, aplikantët, pas përfundimit të projektit, duhet të paraqesin aplikimin e tyre për regjistrim kombëtar të patentës pranë Drejtorisë së Përgjithshme të Pronësisë Industriale (DPPI) në përputhje me legjislacionin përkatës.

V. Dorëzimi i aplikimeve

Aplikantët duhet ta dorëzojnë dokumentacionin **përmes postës zyrtare**, në adresën: AKKSHI, Rruga “Naim Frashëri”, Nr.37, Tiranë, Shqipëri;

Afati i fundit për aplikim është data **06/03/2023**. Aplikimet që mbërrijnë pas kësaj date nuk do të pranohen. Aplikantët të llogarisin kohën që merr shpërndarja e dokumentave me postë.

VI. Informacione shtesë

- a. Projekt-propozimet që nuk kanë dokumentacionin të plotë, kanë pasaktësi në plotësim, apo që nuk përmbushin kriteret dhe formatin e përcaktuar nga AKKSHI do të skualifikohen që në fazën e parë të shqyrtimit teknik.
- b. Për sqarime më të hollësishme, lidhur me programet ose me procedurat e aplikimit, të interesuarit mund të drejtohen pranë Drejtorisë së Programeve Kombëtare në Agjencinë Kombëtare të Kërkimit Shkencor dhe Inovacionit ose me e-mail në adresat: lidjana.shahinaj@nasri.gov.al;tea.gjata@nasri.gov.al.
- c. Udhëzuesin dhe Formën e aplikimit mund t'i gjeni në faqen zyrtare të AKKSHI: <http://www.nasri.gov.al>